


摩登伽經



二百八十五
言三

摩登伽經卷中三

吳沙門竺律炎共優婆塞支謙譯

示真實品第三

尔時帝勝伽王語蓮華實仁者善聽我當為
汝斷邪見網開真實路淨菩提道起人天行
就汝法中有五祠法言斯祠者是涅槃因能
坐天上何者為五一殺害人取脂用祭二者
刑馬亦以脂祭三廣大祭四普聞祭五隨所
欲祭此皆虛妄無有真實徒自疲勞長眾惡
趣有八善法是真利益必得生天獲眾善報
何等為八一者正信二者修戒三廣行施四
樂智慧五常恭敬同梵行者六好多聞七者

防護身口意業八常親近諸善知識如斯八
事是清淨法一切衆生皆應修習前七法者
悉皆從於善知識所而得聞之是故汝今應
當與我共爲婚姻就吾修學如斯妙法勿生
憍慢失此善利今我復當更爲汝說諸姓所
起本末次第汝聞是已宜除貢高劫初成時
諸衆生類悉能飛行光明殊勝餽饍美味嚴
身之具自然而有無造作者其後福盡衆事
消滅是時衆生便修殖殖壇界分別生我人
想或復自恃田稼滋多輕憊餘人自言豪富
由是緣故衆皆名之爲利利種復有衆生不
樂居家入於山林修學禪法著弊壞衣乞食

濟命清身潔己奉修祠祀由斯因緣咸皆謂
為婆羅門種耕種墾殖畋獵漁捕行如此者
名曰毗舍劫盜販賣無悲忍心如斯之等名
首陀羅時復有人於路遊行其車破壞因便
修治名摩登伽惟為農作名曰田夫往來市
肆名賈賈者如是分別為百千種而其所起
真實無異但假施設為立名字為欲紀別諸
姓不同就婆羅門亦復分別所謂瞿曇犢子
憍蹉憍尸迦婆私吒迦葉蔓荼毗如是七姓
復各分別皆出十種第八名烟更無異姓汝
婆羅門雖名一相而得分別劫初衆生亦復
如是根本無異別為多姓是故汝今應諦觀

察爲法利故爲斷虛妄求真實故宜以貴女
用妻吾子欲有所求必相滿願可速爲婚不
宜久留

摩登伽經衆相問品第四

時蓮華實聞是語已生大歡喜得未曾有語
帝勝伽善哉仁者所說誠諦然於往昔曾爲
何等智慧言辭乃能若是修習何行成何功
德惟願爲我廣宣分別帝勝伽言我念過去
曾爲梵王或爲帝釋亦復曾爲淨蓋仙人爲
婆羅門變一圍陀以爲四分於百千劫作轉
輪聖王如是生處尊豪富貴於尔所時修習
慈悲禪定智慧廣化衆生施作佛事蓮華實

言仁者豈讀娑毗交羅神呪不耶若言冒讀
汝今善聽吾當廣說此呪本末過去久遠阿
僧祇劫我為仙人名曰婆藪五通具足自在
無礙善修禪定智慧殊勝時有龍王名為德
叉其王有女字曰黃頭容色姿美人相具足
我見彼女起愛著心生此心故便失神通及

禪定法深自悔責即說此呪而此呪者凡有
三章二十一一句復有三章惟有八句汝今善
聽吾當宣說

且提他一 唵 二 浮婆蘇婆 三 旦娑婆闍 四 娑
利茹五 被瞿提婆 六 斯提磨提由那 七 婆羅
提那八

此即名為婆羅門呪

唵一闍致羅二多波藪浮埤三伽呵男四婆

那摩失多五幹毗羅六旦多羅毗利多七婆

醴提婆婆八失利尸締緘九薩閣男十憂波

男十一婆羅陀嘶摩十二

此即名為利利神呪

唵一質多羅二摩醯帝三毗舍斤若四阿他

娑斤若五遏陀多六波羅毗那七

此即名為毗舍神呪

唵一阿多波羅多波二示毗陀貪三婆利沙

賒貲四波貫五陀貪六菴羅七

此即名為首陀神呪

唵

有形必有欲
有欲必有苦
若能離此慾
定得梵天趣

此即名爲梵天王娑毗羅呪

蓮華實言汝姓何等曰姓三無又問仁者汝
原何出答曰元從水生汝師是誰答言吾師
名迦藍延汝宗族中誰爲勇健答曰我門族
中凡有三人最爲雄猛一名爲獨二曰爲屢
三者名曰婆羅陀闍汝同師者爲是何人答
言贊詠又問贊詠爲有幾變答言六種汝母
何姓答曰吾母姓婆羅設如是仁者吾之德
行其事若此故我先說一切衆生貴賤不定
雖有尊貴而爲惡者猶名下賤若卑賤人能

為善事便為豪貴是故一切稱尊貴者由修
善業不以種族名為勝人汝既知已當除憍
慢

摩登伽經說星圖品第五

尔時蓮華寶問帝勝伽仁者豈知占星事不
帝勝伽言大婁羅門過此祕要吾尚通達况
斯小事而不知耶汝當善聽吾今宣說星紀
雖多要者其惟二十有八一名昴宿二名為
畢三名為觜四名為參五名為井六名為鬼
七名為柳八名為七星九名為張第十名翼
十一名軫十二名角十三名亢十四名亥十
五名房十六名心十七名尾十八名箕十九

名斗二十名牛二十一女二十二虛二十三
危二十四室二十五壁二十六奎二十七婁
二十八胃如是名爲二十八宿蓮華實言如
此宿者爲有幾星形貌何類爲復幾時與月
共俱其所祭祠爲用何等何神主之有何等
姓惟願仁者重爲分別帝勝伽言若欲聞者
諦聽當說昴有六星形如散華於十二時與
月俱行祭則用酪火神主之姓毗舍延畢有
五星形如飛鴈於一日半與月共行麋肉以
祭屬於梵王姓婆羅婆耆有三星形如鹿首
於一日中與月共俱以果爲祭屬於月神即
姓鹿氏參有一星一日及月須蘇以祭係在

日神姓則安氏井有二星形如人步惟於一
日與月而俱祭必用蜜屬于歲星亦姓安氏
鬼有三星形如畫瓶一日與月而共同遊祭
以桃花屬于歲星姓烏波若柳宿一星半日
共月不相捨離祭之用乳屬於龍神因姓龍
氏有此七宿在於東方其七星者五則顯現
二星隱沒形如河曲一日及月胡麻祭之屬
於鬼神姓賓伽羅張宿二星亦如人步於一
日中與月俱行以果用祭其姓善氏即屬善
神翼有二星形如人步於一日半共月而行
鮫魚祭之屬婆伽神姓憍尸迦軫宿五星形
如人手一日一夜共月俱行稗穀祭之姓奢

摩延屬咀吒神角有一星一日及月以華爲
祭屬咀吒神姓質多延亢宿一星蘇麥麩祭之
一日及月屬咀吒神姓曰赤氏玄宿二星形
如羊角於一日半共月俱行以華用祭屬於
火神姓桑遮延有此七宿在於南方房宿四
星形類珠貫一日一夜與月共俱酒肉爲祭
係於親神姓阿藍婆心宿三星其形如鳥一
日及月秔米祭之屬天地神姓迦旃延尾有
七星其形如蝎一日一夜與月共俱果以祭
之屬沙陁神姓迦旃延箕宿四星形如牛步
一日一夜而與月俱居俱陁果以用爲祭屬
於水神姓迦旃延斗有四星形如鳥步於一

日半與月同行桃華祭之屬凶惡神姓伽羅
延牛宿三星形如牛首一時與月而共同行
不須祭祀屬於梵天姓於梵氏女有三星形
如穰麥一日一夜共月而行鳥肉用祀屬毗
細神姓迦旃延有斯七宿在於西方虛有四
星形如飛鳥一日一夜共月而俱豆糜為祭
屬婆藪神姓憍陳如先宿一星一日及月秬
米為祭屬平水神姓單荼延室有二星形如
人步一日一夜共月俱行血肉祠祀其宿屬
在富單那神姓闍闍那壁宿二星形如人步
一日一夜及月而行以肉祭之屬於善神姓
施闍延奎一大星自餘小者為之輔翼形如

半珪一日一夜共月而行酪飴以祭屬富沙
神姓八姝氏婁宿二星形如馬首一日一夜
共月俱行乳糜用祭胃有三星形如鼎足一
日一夜共月而俱胡麻為祭屬於閻神其姓
拔伽有此七宿在於北方大婆羅門我已廣
說二十八宿然此宿中有於六宿一日一夜
共月俱行所謂畢井五翼斗壁之等復有五
宿但於一日共月而俱一參二宿一元四心
五者名危惟有牛宿半日及月自餘盡皆
日一夜共月而行東方七宿初起於昴南方
七宿初起於星西方十宿初起於房北方七
宿初起於虛又此宿中七宿最勝張室五箕

房井及亢三宿凶惡參柳與胃四宿和善
斗壁畢五宿柔弱女虛危心第五名尾五宿
常定一觜二角三名七星四者為柳五者名
牛四宿速疾昴觜婁鬼而此諸宿共月合行
凡有三種一在月前二在月後三共月俱今
當為汝復說七曜日月熒惑歲星鎮星太白
辰星是名為七羅睺彗星通則為九如是等
名占星等事汝宜應當深諦觀察

摩登伽經觀災祥品第六

帝勝伽言仁者善聽吾當更說星紀所行善
惡之相月離昴宿是日生者有大名稱人所
恭敬月離於畢者所生豪貴衆共贊歎月離

於觜是日生者喜多忿誶含毒害心月離參
星其日孕育多恣飯食美味具足月離於井
其日生者倉廩盈溢牛羊殷多月離鬼星生
者修善月離柳星生者多欲月離七星生者
尊貴月離張星生者短命月離翼星生者持
戒月離軫星生者姦盜月離角星其日生者
善知音樂能造瓔珞月離亢星生者善筭數
月離玄星生者爲臣相月離房星生者能御
及善販賣月離心星生者愚癡其命短促月
離尾星生者多係胤大有名譽月離箕星生
者好定月離斗星生者富貴月離牛星生者
有名稱月離女星生者多榮寵月離虛星生

者則閭亂月離危星生者為將月離室星生
者為盜賊主月離壁星生者多能和合馨香
月離奎星生者多卑賤月離婁星生者能市
牛馬月離胃星生者多屠殺大婆羅門我已
廣說月離於星生者善惡今當復說月離諸
星置立城邑善惡之相月離昴星所立城邑
甚有威神多饒財寶或為大火之所燒害月
離畢星所立城邑其中人民悉修善業多饒
財物習誦經典少於貪慾月離觜星所立城
邑婦女繁多牛羊無數香華瓔珞具足而有
月離參星所立城邑多有美味及豐財寶其
中人民皆悉愚癡月離井星所立城邑甚有

威神多有財寶飲食穀麥不久亦當而自磨
滅月離鬼星所立城邑雖有惡人於後必善
仁孝修慈延年長壽多有風神五穀少味月
離柳星所立城邑其中人民悲怨者衆好生
鬪諍多有臭穢月離七星所立城邑其中人
民皆有智慧及多財物修戒行施孝敬貞潔
月離張星所立城邑多有女人香華美味具
足而有藥穀並茂人民安隱月離翼星所立
城邑多饒財寶人皆愚癡爲諸婦人之所欺
陵城邑長久不可傾移月離軫星所立城邑
其中人民多好諍訟饒有牛馬月離角星所
立城邑其中人民盡爲婦人之所陵逼雖有

財寶爲火焚燒月離亢星所立城邑多有財
物人民殷多貪殘 曲月離玄星所立城邑
多有威神其中人民善能祭祀其後爲兵之
所殘滅月離房星所立城邑其中人民仁孝
貞和恭敬父兄誦習經典勤能祭祀月離心
星所立城邑豐饒財寶所有人民勤習經術
豪強熾盛月離尾星所立城邑多饒財寶及
以美味其中人民性多暴惡其後爲土之所
傷害月離箕星所立城邑多有財寶其中人
民貪慾愚癡月離斗星所立城邑多饒財寶
五穀豐熟其中人民勤於習誦惟好鬪諍月
離女星所立城邑多饒財寶無有粟麥其中

人民少有疾病善能和順月離虛星所立城
邑其中人民隨順婦人多有衣服嚴身瓔珞
男女寡慾月離危星所立城邑其中人民意
多諂曲貪慾無厭其後為水之所漂流月離
室星所立城邑其中人民皆悉安樂性多嫉
妬好卑賤業月離壁星所立城邑其中人民
漸漸增益多饒財穀好於布施月離奎星所
立城邑其中人民豐饒牛馬財寶無量月離
婁星所立城邑其中人民安樂無疾男女端
正月離胃星所立城邑其中人民臭惡不淨
多喜諍訟受諸苦惱大婆羅門今我所說置
立城邑盡依星圖善惡必應宜應觀察而習

學之大婆羅門月離於星置立城邑如上所
說吾今更宣月在諸宿天雨之相夏月在昴
若有天雨必多周徧地上水深二尺八寸多
即陰雨十日乃止夏月在女及在室星若有
雨者秋必多澤火勢猛盛夏月在畢若有天
雨二尺一寸宜種下田賊盜並起惟有二疾
患眼與腹秋獲果實夏月在觜若天有雨二
尺八寸秋水勢盛無有攻伐行路清淨皆無
所畏人民安樂夏月在參天雨八寸宜種下
田所有財物當密藏隱其年饒賊應嚴兵仗
及有三疾身熱上氣咽喉疼痛幻者多死夏
月在井天雨四尺於其年中雲雨極多雨十

四日中間不息兵刃連起殺害滋多夏月在
鬼若天有雨一尺五寸宜種下田雨澤以時
秋稼成熟貴賤交諍禽獸暴亂及有三疾一
瘡二癰三者患疥夏月在柳上天降雨二尺
一寸宜種下田惡風猛盛隣國諍訟諸稼成
熟夏月在七星注雨九寸秋多苗實胎者傷
夭死亡者衆夏月在張若天降雨二尺七寸
其年秋實爲他所食人民多疾胎者安全夏
月在翼有雨善惡如在張說夏月在軫若天
有雨九尺二寸其年諸稼爲禽鳥所害雨澤
甚少秋不成實夏月在角若天有雨二尺三
寸夏雨甚少秋則滋多兵少止息人民安樂

夏月在亢若天有雨二尺一寸盜賊並起高
卑無異夏月在丑有雨四尺高下皆成兵火
俱盛禽獸殞傷夏月在房有雨二尺秋苗成
熟人民相禍仁義都棄夏月在心若天降雨
一尺六寸其年多疾不宜乘騎象馬之人及
與刃兵夏月在尾天若有雨一尺八寸秋禾
成熟四方賊暴有三疾起一者患眼二者患
癰三者患瘡華果繁茂兵戈不興夏月在箕
有雨二尺前旱後澇秋則成熟有二種疾患
腹與目夏月在斗有雨七尺宜種高田水極
暴盛其年藥穀悉皆成熟有三疾起如在鬼
說夏月在女有雨三尺水雨不時秋水盛漲

依水居者皆多死亡刀兵流行夏月在虛上天降雨一尺七寸宜種下田有癰疾生刀兵亂起夏月在危有雨五寸宜種下田秋則成熟內外兵亂在城邑者携將妻子逃走他方夏月在室有雨三尺初旱後澇華果彫落秋食不登盜賊暴起黃病流行婦人多死夏月在壁若天有雨四尺五寸水而流溢牆壁崩倒有四種疾患下目痛欬嗽身熱幼死者衆宜種高田華果敷茂夏月在奎若天有雨三尺二寸宜種下田秋稼成熟兵戈不起夏月在婁若天有雨一尺二寸宜種下田兵盜並起夏月在胃有雨四尺宜種高田其年荒儉

才兵必起父違子逆兄弟相害如此皆名兩
相善惡時帝勝伽語蓮花實言大婆羅門今
我更說日月博蝕吉凶之相汝今應當善諦
著心月在昴宿若有蝕者中國多災禍難必
起月在畢宿而有蝕者普遭患難災亂頻興
若在觜蝕大臣誅戮乃至參井亦復如是若
在柳宿依山任者皆當災患及與龍蛇無不
殘滅月在七宿若有蝕者種甘蔗人當被毀
害在張蝕者怨賊降伏在翼而蝕近陂澤者
亦悉衰落若軫蝕者守護城邑及防衛者皆
悉亡壞在角蝕者飛鳥毀滅在亢蝕者畜妻
男子亦當惱害在玄而蝕近水任者皆有災

難月在房蝕質賈之人及以御者一切皆當
無利益事在心蝕者如在紫蕭說在尾蝕者行
人多死在箕蝕者乘騎馬若斯之人亦當
墜落在斗蝕者亦復如是牛星蝕者出家之
人及南方者禍患滋多在女蝕者怨賊銷滅
牧馬之人皆當殘毀在虛蝕者北方之人並
悉破壞在危蝕者敢能呪術祠祀之人皆當
傷害在室蝕者為香瓔人亦皆毀壞在壁而
蝕知樂者衰若在奎蝕諸乘船者亦不利益
在婁而蝕市馬者死在胃而蝕田夫亡壞此
則名為博蝕之相如其體性我已分別

脂反音 脩反音 饒反音 時反音 交反音 反音 種反音 殖反音 力反音 時反音 壇反音 界反音 薑反音 上音

弊反音 祭反音 墾反音 畋反音 獵反音 良反音 輒反音 田反音 下音 鮫反音 捕反音 漁反音 字反音 古反音 文反音 販反音 上音

賣反音 方反音 賈反音 賈反音 傷反音 古反音 音反音 擯反音 子反音 讀反音 上音 蹉反音 七反音 何反音 藪反音 音反音

茹反音 庶反音 埤反音 丁反音 果反音 幹反音 古反音 且反音 絺反音 絨反音 下反音 古反音 咸反音 反音 盥反音 正音

盪反音 嘶反音 西反音 醯反音 呼反音 方反音 遏反音 於反音 葛反音 賒反音 耽反音 下反音 上反音 丁反音 舍反音 遮反音 反音 貫反音

時反音 夜反音 屢反音 力反音 句反音 昂反音 郊反音 觜反音 即反音 斯反音 參反音 所反音 今反音 軫反音 之反音 忍反音

亢反音 罔反音 玄反音 箕反音 居反音 其反音 奎反音 傾反音 隼反音 婁反音 樓反音 麋反音 眉反音 係反音 計反音 鮫反音

交反音 稗反音 蒲反音 賣反音 旦反音 吒反音 下反音 丁反音 達反音 反音 杭反音 粳反音 音反音 二反音 同反音 庚反音 蝎反音 許反音 謁反音

穰反音 麥反音 俱反音 毗反音 細反音 九反音 女反音 糜反音 密反音 卑反音 芻反音 芻反音 居反音 例反音 珪反音 圭反音 音反音 餅反音

飴反音 二反音 同反音 姝反音 尺反音 朱反音 鼎反音 頂反音 拔反音 蒲反音 八反音 彗反音 星反音 一反音 音反音 旬反音 歲反音 反音

倉反音 廩反音 錦反音 下反音 力反音 係反音 胤反音 羊反音 鎮反音 音反音 計反音 下反音 咽反音 喉反音 二反音 字反音 音反音 疼反音 冬反音 徒反音

全反音 全反音 同反音 二反音 甚反音 少反音 淺反音 息反音 殞反音 殤反音 下反音 上反音 音反音 于反音 敏反音 反音 禰反音 禰反音 字反音 脅反音

反音 全反音 全反音 同反音 二反音 甚反音 少反音 淺反音 息反音 殞反音 殤反音 下反音 上反音 音反音 于反音 敏反音 反音 禰反音 禰反音 字反音 脅反音

虛業

兵戈

下古和反

滂

郎到反

漲張

竹向上正

反

流溢

下夷

欬嗽

上下苦蘇奏反

愛反

博蝕

下音食

陂

音卑

牧

音目

摩登伽經中卷

三言



